

quea de' hoc impedimento loquuntur; consulenda que simul venit nova disciplina à Concilio Tridentino inducta, atque mox referenda.

Omnia haec impedimenta ad eosdem olim producebantur gradus, ad quos illud, quod oriri diximus ex cognatione naturali: coeterum alio iure utimur post Concilium Tridentinum, in quo primum statutum fuit, ut affinitas proveniens ex copula illicita non extendetur ultra secundum gradum. *Sess. 24. de Reform. matrim. cap. 4.* Deinde in *cap. 3. eiusd. sess.* definitum fuit, ut impedimentum iustitiae publicae honestatis non oriretur ex sponsalibus ex quacunque causa invalidis, abrogatā priori disciplina, iuxta quam oriebatur etiam ex eis, dummodo non essent talia ex defectu consensus. Tandem cautum ibidem fuit, ut, quod procederet ex sponsalibus validis, non excederet primum gradum. Notandum est ne verbum quidem habéri in hoc Decreto de impedimento, quod oritur ex matrimonio rato, non consummato; quamobrem nihil circa illud dici potest innovatum: quod declaratum quoque reliquit S. Pius V. in Constitutione, quae incipit: *Ad Romanum ann. 1568.* Confirmavit idem S. Pontifex in Constitutione *Sanc-*  
*tissimus regulas*, quas iuxta praedicta Decreta Tridentina exposuimus, tam quod cognationem spiritualiorem, quam in publicae honestatis impedimento.

Occurrunt in hoc titulo capita, in quibus incessuosis matrimoniorum omnino interdictur etiam cum alia persona; quea tamen iam non obtinere animadvertismus, sicut nec illa omnia, in quibus praefata impedita ultra personas in Decretis Tridentinis expressas producuntur.

## TITULUS XIV.

*De Consanguinitate, et affinitate.*

**P**rima omnium proximitas, et ad cuius exemplum illae inductae sunt, quas hucusque exposuimus, est consanguinitas, seu coniunctio sanguinis, quae inter eos intercedit, qui descendunt ex eodem stipe.

Ea duplex est, recta nempe, et obliqua, seu collateralis; atque haec rursus dividitur in aequalem, et inaequalem. Recta dicitur quae inter illos conspicitur, qui parentum, et liberorum numero sunt, quique appellantur ascendentes, et descendentes. Obliqua, seu collateralis, inter eos intervenit, qui procedunt quidem ab uno communī stipe, sed non ita, ut alter ab altero genitus fuerit, quales sunt fratres, et eorum filii. Aequalis linea dicitur quando hi, de quorum cognatione queritur, distant aequaliter à communī stipe, ut duo fratres, aut duorum fratribus filii. Inaequalis appellatur, dum non aequaliter distant à communī stipe, quod accidit in patro, et consobrino. Deinde sciendum est lineam vocari personarum seriem, quae sunt eiusdem sanguinis, gradum verò singulos harum personarum progressus. Denique appellamus communem stipitem eam personam, à qua reliqua proveniunt, quaque illarum origo, et caput est.

Magna adest differentia inter ius civile, et canonicum quoad modum computandi gradus; nam ius civile in linea obliqua constituit unum gradum in unaquaque persona; canonicum verò ex duabus unum efficit, considerans generationem, quae non nisi inter duos sit. Sic exempli causa, duo fratres iuxta computationem canonicam in primo gradu sunt, iuxta civilem in secundo. In linea

recta eadem observatur ratio in utroque iure. Itaque, quoties scire quis velit quoniam gradu aliqui sint in linea recta, computare debet personas ipsas, de quibus quaestio est, et deinde illas, quae procedendo inveniuntur usque ad communem stipitem; et quot personas invenerit, tot numerabit gradus, una dempta, nempe communi stipite: *v. c.* filius cum patre in primo gradu est; avus, et nepos in secundo; proavus, et pronepos in tertio; quia nempe, quoties de patre, et filio quaerimus, duas reperimus personas, patrem scilicet, et filium. In linea transversa, aut collaterali distinguendum est aequalis sit ne, an inaequalis: si quaeratur gradus duorum, qui in linea aequali constituti sunt, seu qui aequaliter distanti à communi stipite, quanto gradu distanti à communi stipite, tanto distanti inter se; *v. c.* si quaestio est de duabus fratribus, dicimus eos positos in primo gradu, quia quisque eorum eodem distat à patre. Si agatur de constitutis in linea inaequali, ab eo facienda venit computatio, qui remotior est, et quanto gradu is distat à communi stipite, eodem ipsi distanti inter se; *v. c.* si quaeratur de patro, et consobrino, fieri debet ab hoc computatio ad avum, et eo gradu ipsi differenti inter se, quo distat consobrinus ab avo. Et haec quidem de forma computandi gradus.

Quod ad prohibitionem spectat matrimonii inter consanguineos, duabus vulgo asseritur inniti rationibus; prima, quod adulaborandum sit, ut mutuus amor, et concordia magis, magisque foveatur, et propagetur inter homines: iam vero qui sanguine iuncti sunt, nullo alio indigent viaculo ad servandam mutuam hanc charitatem; curandum proinde est, ut per coniugia cum remotis ea contrahatur, qui alias dissit semper à nobis forent. Secunda ratio depromit ad honestate, et reverentia, praecipue locus ei est in linea recta. Plura alia videtur

dēre sicebit apud D. Covarrubiam, D. Thomam, et Bellarminum, apud quos et duae aliae rationes leguntur; prima desumpta ex familiaritate, quae inter consanguineos intercedit, quaeque redderetur suspecta si iniiri inter eos matrimonii possent: secunda vero ex eo, quod moderatus esse debeat usus coniugalis, id autem non ita facilē sit sperandum dum dilectioni, quam coniunctio sanguinis gignit, iungitur amor coniugalis: solidior tamen inter omnes illa est, quam diximus fundatum in eo, quod caritas inter extraneos cā praecepit via si extendenda, quae vinculum amoris est, et dilectionis, quaeque propterea antiquissima omnium amicitia ab omnibus iudicatur, uti aiebat Musonius.

In linea recta prohibetur matrimonium in infinitum iure naturali. Existimat Berardus inter patrem, et filiam prohiberi quoque iure positivo divino, idque deducit ex illis Adami verbis: *proper hoc relinquet homo patrem, et matrem.* Coeterum Basilius Pontius, diligentissimus equidē investigator, postquam dixit se non reperire firmum aliquod argumentum, quod ostendat coniunctionem patris cum filia, aut matris cum filio iure naturali esse nullam, cum non opponatur ita clare fini matrimonii; at dici forte posse divina aliqua lege potius haec matrimonia prohibita, quam naturali; deinde autem protestatur se nullum inventire vestigium divini huius praecepti adhuc perseverantis. Non desunt qui asserant in vigesimo, tricesimo, aut ulteriori gradu cessare prohibitionem in hac linea, deficientibus nempe eiusdem rationibus: verum, cum impossibile sit, quod casus contingat in quo agatur de huiusmodi matrimonio contrahendo, frustra in eo discutiendo immorarer.

In linea transversali aliud antiquitus obtinebat, aliud nunc viget. Primit Eclesiae saeculis, cum Eclesia leges Romanas bac in parte sectarentur, per-

permissa fuere matrimonia in secundo gradu, licet non frequenter accideret. Probat Berardus ex D. Ambroso, et Augustino primum Theodosium Imperatorem haec coniugia improbase; quare apochrifa habenda sunt monumenta, quae in hanc rem Gratianus refert ex Pontificibus, Fabiano, Calixto, et Julio, quaeque inveniuntur passim citata apud Auctores. Post mortem Theodosii, divisoque Imperio inter eiusdem filios Arcadium, et Honorium, ille in Oriente paternam legem abrogavit, mansit vero in Occidente: deinde autem etiam in Oriente restituta fuit a Sinodo Trullana.

Productum deinde fuit hoc impedimentum usque ad septimum gradum, quod tempore Caroli Magni contigisse putat idem Berardus: verum in Concilio Lateran. sub Innocentio III. restrictum fuit intra quartum gradum, cap. 8. b. tit. eaque constitutio manxit etiam post Tridentinum. Ex his patet, eum, qui in linea obliqua inaequali quarto gradu distat a communis stipe, coniungi illi posse, qui distat quinto, a quo computatio fieri debet tertia ea, que tradita sunt, cap. ult. b. tit.

Summa omnium, quae dicta sunt, et in quibus facilissime Tyrones falli contingit, haec est. Consanguinei in linea recta arcuntur a matrimonio in infinitum; qui autem constituti sunt in obliqua, si extra quartum gradum quilibet eorum sit, contrahere possunt. Inter eos, qui affines sunt ex copula licita, aut matrimonio rato, iisdem gradibus concluditur prohibitio: si vero tales sint ex copula illicita, non extenditur ultra secundum. Solum obest matrimonio affinitas primi generis, insuper habitu illa, quae secundi, aut tertii est. Impedimentum publicae honestatis non oritur ex sponsalibus quacunque ex causa invalidis; et quando oritur, non transgreditur primum gradum: illud vero, quod venit ex matrimonio rato, extenditur ad quartum

gra-

gradum. Denique impedimentum cognitio legis semper durat inter eos, qui parentum, et liberorum numero habiti sunt, in coeteris autem tandem solum, quandiu consistit adoptio.

Ex his nullo negotio Tyrones intelligent, in quibus immutata hodie conspicatur antiqua disciplina, simulque scient, capita omnia Decretalium his regulis contraria nullius iam roboris esse.

*De Frigidis, et maleficiatis, et impotentia coeundi.*

Parentibus hoc votum esse in contrahendo matrimonio, ut filios procreare valeant, recte dicitur; singulos enim adloquentes audias illis verbis apud Platonem gignere debemus, et educare liberos, vitam, ceu lampadem, aliis post alios tradendo. Coeterum hoc non esse de substantia matrimonii facile quilibet agnoscit, cum ea consistat potius in conjunctione animorum, mutuoque adiutorio. Hinc est, quod corum quoque coniugia consistant, qui procreare nequent, aut nolunt: quod in illis conspicitur, qui continere ambo volunt, ut orationi liberius vacent; tum etiam in illis, quorum uterque, aut alter impotens est, scienterque nihilominus matrimonio iunguntur, aut in eo permanent, attentâ nimirum disciplinâ, quae vigebat tempore Decretalium; eni rei illa reddi ratio solet, quod naturalia contractuum tolli possint partium conventione, quanvis nequent substantialia.

Impotenta alia temporalis est, alia perpetua; deinde aut absoluta, aut respectiva. Sed et distinguendum est inter eam, quae matrimonio contracto supervenit, etiamque, quae praecessit.

Quo-

Quoties impotentia supervenit, quaecunque tandem ea sit, matrimonio non obest, ut diximus de reliquis impedimentis. Aliud quidem suadere videtur nonnulla capita apud Gratianum; verum aut apocrifis sunt, aut continent dispensationem quandam cum recens conversis, quod existimat Berardus accidisse cum Germanis temporibus Gregorii III. in conspectu can. 18. c. 32. q. 7. aut commodas satis admittunt interpretationes. Quando impotentia praecessit matrimonium, et perpetua est, sive absoluta sit, sive illi solum coniungi respectiva, dirimit hodiè matrimonium. Olim quidem, si tales scienter contraxissent, aut deinde acquiscerent, non prohibebantur manere simul tanquam frater, et soror, ut patet ex cap. 2. et 4. b. tit. licet alia esset Ecclesiae Gallicane consuetudo, quam minimè improbandam censuit Alexander III. Notandum est obiter, ut nonnullorum error videntur, phrasis huius, in sacris canonibus valde familiaris, non illum esse sensum, ut qui tanquam vir, et uxor vivere nequeant, aut nolunt, maneant velut frater, et soror, resciso matrimonio, et relicta tantum cohabitatione civili; sed ea significari tales coniuges filiorum procreationi, aut carnali copulae, coeterisque actibus, qui coniugatis licent, minimè operam daturos; quod facile probari possit pluribus antiquorum patrum testimoniosis. Hinc coniugia Eunuchorum sustinebantur, eisque nihil obesse videtur, aut iure naturae, aut ecclesiastico veteri, dummodo ad castè vivendum iungentur; coeterū Sixtus V. consultus ab Episcopo Novariensi, in hisce Regnis Legato, irritavit huiusmodi coniugia; receptumque generaliter deinceps est, ut iis, quorum uterque, aut alter impotentia perpetua, et insanabilis, laborat, minime permittatur matrimonium, etiam ad castè vivendum, contrahere; et si contraxerint, nullum omnino est matrimonium.

No-

Notare hic iuvat, cavendum esse à Berardo de Univ. iur. ecclasiast. tom. 3. dissertat 4. cap. 2. qui dum de praedicto Motu proprio Sixti V. loquitur, fidem sectatur Sanctetii, quavis eiusdem errorem non amplectatur; paratus tamen in eundem labi, si ultius in mente illius Pontificis inquirenda processisset: nam ex verbis, quas referuntur à Sanchez, vera colligi nequirit Pontificis sententia, ut innotescet integrum motus litteram legenti in Bullario Magno Tom. 2. pag. 634. aut saltem apud Basilium Pontium lib. 7. cap. 67. qui magis fidelem, atque accuratum se exhibuit, licet nec ipse tradat integrum textum.

Diximus ista aequè intelligenda de impotentia respectiva, ac de absoluta, si utraque sit perpetua: in eo autem differunt, quod respectivè impotens cum alia contrahere non prohibetur; et quavis in secundo matrimonio aptus redditur primae coniugi, ad eam redire haud potest. Non idem est si impotentiam nusquam adfuisse apparuerit; tunc enim retractari debet sententia, quin dici ulo casu, aut tempore possit, eam in rem iudicata transisse; nam in matrimonio illud singulare est quod sententia non transeat in rem iudicatam. Id ut facilius percipiatur, notandum est, coniugem, qui, ob impotentiam respectivam matrimonio quoad vinculum soluto, alii copulatur, aptitudinem ad copulam etiam cum priori coniuge sustinendam consequi duplíciter posse; medio nempe, quod etiam in priori coniuge locum habere potuisset licet, absque vitae periculo, et naturaliter, aut eo quod nusquam in priori matrimonio potuisset verificari: primo casu apparebit Ecclesiam fuisse deceptam, cum non esset perpetua impotentia, quae licet, naturaliter, et absque vite periculo tolli potuit proindeque reconciliari debet primum matrimonium; in secundo aliud erit censendum, quantumvis sublatto illo impedimento in secundo matrimonio aptus redditur.

Tom. II.

Ee

con-

cōniux etiā primo; verē enim quoad primum matrimonium perpetua erat illa impotentia, quanvis cessasset in secundo ob diversam coniugis naturalem structuram. Observandum ergo caute in iis casibus est an similis fuitur coniux secundus priori, necne: quod satis declarat Innocentius III. in cap. 6. b. tituli, et aperiri ulterius nonnullis exemplis posset, nisi cantē admodum tractandam rem ob iuvenum imbecilitatem censeremus.

Impotentia temporalis non officit matrimonio, quin ob sit quod in impuberibus observatur; hi enim potius excluduntur ob iudicij infirmitatem.

### T I T U L U S XVI.

#### *De Matrimonio contracto contra interdictum Ecclesiae.*

Sicuti Poenitentibus interdicebantur coniugia, utpote quibus lacrimas potius convenienter, et tristitia, ita temporibus ieuioriorum, quae orationi specialiter destinata sunt, omnibus erant prohibita. Desit quidem in usu esse Poenitentiam disciplina, verum mansit certorum temporum, quae clausa dicuntur, praesertim, in quibus inhibita est nuptiarum celebratio; eaque à Concilio Tridentino in sess. 24. de Ref. matrimon. cap. 10. ita confirmata fuit, ut antiquae nuptiarum solemnium prohibitions servari debeant ab Adventu Domini usque in diem Epiphaniae, et à feria quarta Cinerum usque ad octavam Paschatis inclusivē. Hoc autem non ita intelligendum est, quasi ipse contractus matrimonialis sit prohibitus his temporibus, sed de benedictione solemai, coeterisque nuptiarum solemnibus.

Est et praeterea interdictum, quod appellatur hominis, dum scilicet Index ad tempus nonnullis contrahere prohibet ex causa; veluti si queratur

### T I T U L U S XVI.

de impedimento aliquo: et quidem in hoc casu parrendi manet necessitas: si autem contra interdictum contrahatur, illicitē hoc fit, sed valet coniugium nisi appareat deinceps cum impedimento dirimente illud fuisse contractum.

### T I T U L U S XVII.

#### *Qui filii sint legitimi.*

Dum de conditione filiorum agitur recepta communiter divisio est, iuxta quam alii legitimi appellantur, alii naturales, alii denique spuri. Legitimi dicuntur qui ex iustis nuptiis geniti sunt naturā simili, et lege eis suffragium ferente. Naturales vocantur, qui nati extra matrimonium sunt, sed ex coniunctione, quae non omnino naturā, et legibus improbar, hoc est non ita strictè. Spuri dicuntur, qui oriuntur ex coniunctione detestabili, prorsusque dannata.

Nonnunquam accidit, quod filii procedant ex tali coniunctione, quae quidem matrimonialis non est, in qua tamen nihil sit, quod parentibus imputari queat; in his ergo adjunctis aequum fuit statuere, ut legitimi censeantur. Sic describitur in cap. 2. b. tit. de illis, qui procreati sunt ex matrimonio contracto in facie Ecclesiae, quod tamen deinde dissolutum est adstantis causa impedimenti, dummodo parentes, aut saltem unus ex eis, bonam fidem habuerit, et nati aut ad minus concepti filii fuerint ante sententiam; ita enim censeo intelligendum. Similes species proponuntur in cap. 8. 9. et 14. Si autem filii crasa nimis parentum ignorantia nitantr, audiendi non sunt, et huic casui accommodari potest caput 10.

Receptum aequū est, ut filii habiti in infidelitate ex eo matrimonio, quod contrati à fidelibus non

valuerisset ob impedimentum iure Ecclesiastico induc-tum, legitimè iudicentur post conversionem parentum, tum quia eo tempore legibus Ecclesiasticis non tenebantur, tum etiam ne quod apponatur obstacu-lum conversioni ad fidem, cap. ult.

Distinguuntur à praedictis omnibus filii legitima-ti, qui neque inspecta coniunctione, ex qua orti sunt, nunquam censeri possent iure legitimorum, funguntur tamen eodem saltem quoad aliquos effec-tus favore legum, quibus placuit legitimitate illos in certis adiunctis induere, qui aliqui laborant defec-tu natuum.

Recepitissima apud Romanos erat haec disciplina, qua ad nos usque pervenit ita exigente favore mar-trionii, summisque imperantium iuribus: coeterum in usu esse desinere apud nos debuit tertius le-gitimandi modus à Romanis inductus, scilicet per oblationem Curiae: duobus ergo modis legitimantur tan. legibus Ecclesiasticis, quam Saecularibus filii ab his extra matrimonium habiti, qui illud contrahere nullo iure prohibebantur, per subsequens matrimo-nium, et per rescriptum Principis.

Coeterum plus adhuc superest investigandum: nam primum quaeritur an rescriptum S. Pontificis sufficiat ad legitimationem: deinde an aliquid amplius requiriatur in legitimatione per subsequens matrimonium, quam quod iam innuimus: tandem dubitari solet de utriusque legitimationis effectibus.

Et quidem quod ad primum attinet, extra om-nem debet esse controversiam, S. Pontificem posse le-gitimare quoad effectus, quibus circumscripta est po-testas sibi à Deo concessa, nimur spirituales; minimè vero profutaram eius legitimationem quoad civiles, qui neutiquam convenient potes-tati Pontificiae. Hinc Innocentius III. in cap. 13. b. tit. liberam sibi vindicat potestatem legitimandi quoad utrosque effectus in ditionibus Ecclesiae

etiam

etiam in temporalibus subjectis, in quibus Re-gia simul iura Pontifex exercet. Sanè id quoque inten-dere videtur, ut eandem facultatem sibi assertat extra Pontificiam ditionem in extraordinario aliquo casu, sicuti indirectam potestatem in temporalia Regibus subjecta; verum hae opinione tribuenda potius sunt Exarotori Rescripti: atque attendenda venit conditio illorum temporum, in quibus huic-modi doctrinae invaluerant, parum autem hodiè movent virum perjudicis immunem. (7)

Necessaria ergo est quoad temporalia Princi-pis legitimatio, quam nolunt Reges nostri in damnum filiorum legitimorum converti, aut eorum, qui legitimati sunt per subsequens matrimonium, leg. 13. Tauri.

Diximus non aliter procedere legitimationem per subsequens matrimonium, quam si potuerint parentes illud liberè contrahere, hoc est, sine ulla dispensatione, ut dicitur in leg. 11. Tauri: sufficit autem probare adfuisse parentibus hanc potes-tatem tempore conceptionis, nativitatis, aut me-dio. Legibus Romanis cautum praeterea erat, ut mater debet esse concubina à patre domi re-tenta: verum hoc neque iure Canonicō, neque Pa-trio admissum est. Sed et tantus est favor mar-trionii, ut legitimetur filii, eo à parentibus contrac-tō, etiamsi aliud coniugium medium fuerit.

Valde controversum est an filii ita legitimati preferantur in primogeniti coeteris constante mar-trimoniō genitis: quaeruntur quoque plura alia non inutilia, que latiorem exposcent tractationem.

*Imania sunt  
spectra, et  
querorum no  
nig....*

## TITULUS XVIII.

*Qui matrimonium accusare possunt, vel contra illud testificari.*

1. **F**requenter contingit quod post contractum matrimonii quaestio oriatur de eiusdem validitate; queritur autem in hoc Titulo quinnam hoc casu admittantur illud accusare, aut contra illud testificari. Publicè quidem interest ne sub sanctissimo matrimonii nomine permittantur impudicae, illicitaque coniunctiones; prouide videbatur cuiilibet patere accusationem huiusmodi: nihilominus, cum pravorum hominum malitiae favendum non sit in re praesertim tanti momenti, statutum in primis est rejiciendo eos esse, qui scierunt, potueruntque impedimentum detegere tempore denunciationum, cap. 6. Deinde cum satis commendari iudicibus nequeat accurata in scrutandis testium, et accusatorum qualitatibus diligentia, repellere eos debent, quos non veritatis, iustitiaeque amore moveri sentient, ut rescribitur in cap. 5. de iis, qui luceri causa accusant, aut testificantur. In cap. 2. respondet S. Pontifex depositiones in scriptis ab absentibus factas non sufficere ad plenam probationem: admittuntur autem testificationes parentum, et cognitorum, dum queritur de gradu propinquitatis, cum magis consciū esse debeant familiae iurum. cap. 3.
2. Non solum autem in testium, et accusatorum qualitatibus dijudicandis cautus admodum debet esse iudex, sed et in admittendis Obstetricum, et Medicorum testimoniis quoad impotentiam qualitatem; vix enim credi potest quā fallacibus sepsimē innitantur signis, et conjecturis.
3. //

## TITULUS XIX.

*De Divortiis.*

**I**n controversiis, quae oriri solent post coniugium contractum, quaeri potest de ipso matrimoniali vinculo, vel solum de coniugum separatione, aut quoad thorum tantam, aut quoad thorum simul, et coabitationem.

Quod ad vinculum attinet nulli dubia est eius indissolubilitas iuxta illud: *Quod Deus coniunxit, homo non separat:* ita ut nusquam evenire casus valeat, quo dissolvatur, exceptis infidelium coniugii, et ingressu in Religionem in matrimonio rato iuxta formam expositam in lib. 3.

Permissit quidem divortium Iudeis Moyses ob duritatem cordis eorum, ne sciaret in homicidia, alia que crimina ruerent. Apud Graecos etiam, et Romanos illud in usu fuisse scimus, postremis praecipue temporibus: quandiu enim pristinam morum honestatem Res publica sovit, turpissimam censuerunt Romani uxores desercent licentiam, quantumvis lumine fidei constituti: docent nos Historici, primum exemplar anno Rōmae 520 contigisse; et quanvis compertum Civibus esset, Carvillum Rugam, qui primus id sibi licere creditur ob uxoris sterilitatem, non libidine, sed Patriae amore coactum (nam coniugem adamabat enīx, se vero iuramento obstringi existimabat, quod, urgentibus Consulibus, omnes praestiterant, ducenti uxores ad comparandam Reipublicae prolem) honestati parum consonum censuerunt. Sed nec in Ecclesia Christi desuerunt, qui ex pravo intellectu verborum Domini apud Matthaeum deducerent dissolvi matrimonii vinculum propter adulterium: verū Ecclesia, praesertim Latina, semper docuit contrarium, ita ut neque coniux in-

innocens valeat vivente coniuge ad secunda vota transire, uti definit etiam Sinodus Tridentina in sess. 24. de Ref. matrim. can. 7. his verbis: *Si quis disserit Ecclesiam errare cum docuit, et docet iuxta Evangelicam, et Apostolicam doctrinam, propter adulterium alterius coniugum matrimonii vinculum non posse dissolvi; et utrumque, vel etiam innocentem, quem causam adulterio non dedit, non posse, altero coniuge vivente, aliud matrimonium contrahere, moechari, que cum, qui, dimissa adultera, aliam duxerit, et eam, quae dimisso adultero, alii nuperit; anabema sit.*

Longè diversa species est, dum declaratur nusquam constituisse matrimonium, utpote contractum adstante impedimento diremitur.

Separatio quad thorum, vel quad thorum simul, et cohabitatem fieri nequit privata coniugum auctoritate, praesertim si agatur de disociactione perpetua, cap. 3. et 4. b. tit. et Constitutione Ad compescendum Sixti V. coeterum eam ab Ecclesia ob iustam causam decerni posse non dubitatur. Praecipua ea est, quae desumitur ab adulterio pactato ab alterutro coiungum iuxta ilud Christi Domini apud Matthaeum: *Qui dimisit uxorem nisi ob fornicationem, et aliam duxerit, moebatur, cui adjunguntur quoque aliae, in quibus discutiendis longum foret immorari. Illud sane adnotandum est, in singulis Dioecesis designandos esse matrimoniorum Defensores ex Constitutione Benedicti XIV. quae incipit: Dei miseratione, anni 1741. Coetera, quae in hoc Titulo continentur, exposita superius variis in locis sunt, praecepit vero lib. 3. tit. de Conversione Infidelium.*

II-

## TITULUS XX.

*De Donationibus inter virum, et uxorem, et de dote post divorcium restituenda.*

Praemittendum est dotem appellari eam quantitatem, quae tradi viro solet ab uxore, vel eius nomine ad sustinendam matrimonii ouera; dotalium vero in cap. 4. id dicitur, quod vicissim conferre vir solet, tum in securitatem dotis, tum in solarium, alimoniamque uxoris mortuo marito; quodque appellatur inter nos donatio propter nuptias. Quoties ergo aut nullum declaratur matrimonium, aut fertur divorcii sententia, restituenda est uxori dos, nisi ob patratum ab ea adulterium separatio fiat; tunc enim, sive civiliter cum ea actum fuerit, sive criminaliter, amittit dotem, et donationes, quae factae ipsi fuerint contemplatione coniugii, ceduntque lucro mariti.

Quod ad donationes inter virum, et uxorem pertinet, receptum omni iure est, eas non licere constante matrimonio, ne coniuges invicem bonis omnibus sese spolient, neve videatur venalis coniugalis affectus; exceptis illis, quae a viro sene, aut ignobilis fuit uxori iuveni, in remunerationem iuventutis, aut nobilitatis, quas valere receptum tradit D. Covarrubias, tom. 2. part. 2. cap. 3. §. 3. Deinde confirmantur illae donationes morte donatoris, qui expressè, aut tacite, non revocaverit.

## TITULUS XXL

*De Secundis nuptiis.*  
Secundas, aut ulteriores nuptias post obitum priorum coniugum nusquam prohibuit Ecclesia; infirmiores Tom. II.

res autem iudicavit eos, qui ita contraherent, unde et imposita illis quandoque fuit publica poenitentia, ut alibi monuimus, et reperiuntur in Corpore Iuris severiores nonnullae formulae, quibus damnatae à Patribus illae videntur omnino, quaeque proinde fallere Tyroneos possent, si prae oculis non haberent, canones, in quibus inveniuntur, ad illa tempora esse referendos, in quibus oportebat licentiam matrimonii iterandi coercere, cum plures ad secundum transirent vivente prima coniuge, damnata hanc coniunctionem cum secundis, de quibus loquimur, nuptiis confundentes. Sed nemini licet rume more solū, aut incerta fama de morte absentiis coniugis, ad aliud coniugium transire: sin autem contingat, ut notitia obitus, quae certa credebatur, aliquando fallat, redire compellitur coniux ad primum matrimonium, cap. 2. b. tit. quoties verò contracto secundo coniugio dubitatio emergit de morte primi coniugis, non statim illud dissociandum est, sed observanda veniunt interim quae praescribuntur eod. cap.

Statuit in cap. 1. et 3. secundas nuptias non esse benedicendas; quod quidem intelligendum non est de prima illa benedictione coniugis omnibus communī, quam etiam contendunt nonnulli formani esse Sacramenti, sed de alia rituali. Haec constitutio Ecclesiae ex eo videtur provenire quod, ut suprā innuimus, semper ex iudicio Ecclesiae adsit aliqua imperfictio in secundis nuptiis sive ob defectum significacionis, sive quia exhibent signum aliquid incontinentiae: unde acriora nonnulla dicta apud Patres legimus contra iterata coniugia, principiè illis temporibus, in quibus non pauci post divortium cum alia contrahere intendeant, congruumque proinde erat etiam à licitis secundis nuptiis audeles avertire.

Parochus adversus praefata benedicens punitur

in cap. 1. suspensione ab officio, et beneficio, reservata Sedi Apostolice absolute: hoc tamen non servari, sed ab arbitrio pendere Episcopi observat Giraldi, qui simul notat receptum ita in praxi esse ex Extravaganti quaddam Ioannis XXIII. que, licet in nulla Collectione inveniatur, refertur à D. Covarrubia.

Sublatæ iure Canonum sunt poenae inflictæ à civili in mulierem nubentem intra annum luctus, observandæ autem sunt leges illæ omnes, quæ non tam poenam adversus tales mulieres continent, quam filiorum, qui ex primo coniugio habiti sunt, commodum, et securitatem, quales sunt apud nos, quæ eorum tutelam, et curam matri auferunt, et quæ statuant, ut reservare debeant filiis primi matrimonii bona ex eo quæsita. Sed et monendæ semper mulieres ne ad secunda vota currant festinanter, cum non levia ex eo oriантur incommoda.

Neminem existimo turbabit canon 5. Concilii Totani XIII. in Regni utilitatem editus suadente Rege Ervigo, qui Concilio aderat, ne, si Regum, ac Principum nostrorum uxores viduatae facile ad secunda vota transirent, extraneus aliquis Princeps in Regni possessionem induceretur maximo Regni ipsius, imo et nonnunquam filiorum primi matrimonii detimento.

#### FINIS LIBRI QUARTI.

